

Statsforvaltaren i Vestland
Att:
Statens hus
6863 LEIKANGER


Vedrørande kommunedelplan for akvakultur i sjø for Samnanger kommune – arealendringar rundt eksisterande akvakulturanlegg

Vi viser til dialogmøte om kommunedelplan for akvakultur i sjø for Samnanger 04.05.2023.

Statsforvaltaren har fremja motsegn til arealjusteringar/-utvidingar ved to eksisterande akvakulturanlegg. Det gjeld lokalitetane 12131 Sagen (VA1) og 13020 Nygård (VA4).



Lokalitetar i Akvakulturregisteret.



Utsnitt frå kartet i planframlegget.

I møtet oppfatta vi det som at Statsforvaltaren ikkje er prinsipielt mot slike arealendringar ved eksisterande akvakulturlokalitetar, men at de er uroa for at justeringane kan medføre auka belastning på fjordsystemet. Vi forstår «auka belastning» i denne samanhengen som løyve til auka produksjon i form av auka maksimalt tillaten biomasse (MTB).

Ei justering/utviding av arealet som er opna for akvakultur i arealplan, inneber i seg sjølv ikkje ein auke i MTB. Eit løyve til auka MTB på dei to aktuelle lokalitetane, vil krevje løyve etter forurensingslova. I møtet oppfatta vi at Statsforvaltaren gav signal om at det ikkje kan påreknast forurensingsløyve til auka produksjon innan fiskeoppdrett i kommunen sitt sjøområde i Samnangerfjorden.

Arealjusteringar- og utvidingar ved eksisterande lokalitetar vil kunne gje rom for betre driftstilhøve, noko som kan vere til fordel både for dei som driv lokaliteten, fiskevelferda og for miljøet/omgjevandane rundt.

Med dette som bakgrunn, ønsker Fiskeridirektoratet i denne konkrete saka å føreslå ei løysing der

- områda VA1 og VA4 vert lagt ut til akvakultur-føremål i planen
- det kjem fram av planomtalen at det ikkje er pårekneleg med forurensingsløyve til auka produksjon av fisk i tilknytning til dei to lokalitetane

På den måten kan planen gje rom for at stålanlegg på lokalitetane kan bli bytt ut med merder av plastringar¹, utan at fjordsystemet vert ytterlegare belasta.

Vi vil oppmode Statsforvaltaren i Vestland til å ta dette innspelet med i den vidare handsaminga dykkar av motsegna til kommunedelplanen.

Med helsing

Tom Hansen
konstituert seksjonssjef

Unn Jenny Utne Kvam
seniorrådgiver

Brevet er godkjent elektronisk og vert sendt utan handskriven underskrift.

Mottakarliste:

Statsforvaltaren i Vestland	Statens hus	6863	LEIKANGER
-----------------------------	-------------	------	-----------

Kopi til:

Samnanger Kommune	Tyssevegen 217	5650	Tysse
-------------------	----------------	------	-------

¹ Jf. planomtalen side 20.

